

**Broj: 06-03-981-02/15**  
**Mostar, 29.01.2016. godine**

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoca dozvole za rad-licence „Elektro test“ d.o.o. Sarajevo, Regulatorna komisija za energiju u Federaciji Bosne i Hercegovine – FERK je 29.01.2016. godine na I redovnoj sjednici donijela sljedeće

## **R J E Š E N J E**

1. Nalaže se „Elektro test“ d.o.o. Sarajevo, imaocu Dozvole za rad-licence za obavljanje elektroprivredne djelatnosti proizvodnje električne energije broj 06-03-1177/71/12 od 25.02.2013.godine, poduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

### **a) Obavljanje licencirane djelatnosti**

Tačka 3.1. Dozvole za rad-licence:

- 1) da dostavi certifikat proizvođača opreme solarnih fotonaponskih panela ugrađenih u SE „Gornja Jošanica“,
- 2) da ugradi sistem nadzora i upravljanja, te potom FERK-u dostavi link putem kojeg će mu se omogućiti uvid u rad SE „Gornja Jošanica“.

### **b) Zakoni, propisi i tehnički standardi**

Tačka 4.1.2. Dozvole za rad-licence:

- 1) da dostavi kopiju Pogonskog uputstva za solarnu fotonaponsku elektranu „Gornja Jošanica“, odobrenu od strane nadležnog Operatora distributivnog sistema.

### **c) Ugovori o kupoprodaji električne energije**

Tačka 4.2. Dozvole za rad-licence :

- 1) da dostavi kopiju Ugovora o otkupu električne energije potpisanog sa Operatorom za obnovljive izvore energije i efikasnu kogeneraciju.

### **d) Računovodstvene aktivnosti**

Tačka 5. Dozvole za rad - licence za obavljanje elektroprivredne djelatnosti proizvodnje električne energije

- 1) da vodi poslovne knjige i radi finansijske izvještaje za djelatnost proizvodnje električne energije, odvojeno od ostalih djelatnosti, što predstavlja trajnu obavezu imaoca dozvole, te da poslovne knjige i finansijske izvještaje za djelatnost proizvodnje električne energije vodi u okviru internog računovodstva, bez obaveza predavanja istih nadležnim institucijama u skladu sa propisima kojima se uređuje računovodstvo i revizija,

2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

### Образложење

Postupajući u skladu sa Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13), propisanim nadležnostima, FERK je imao dozvolu „Elektro test“ d.o.o. Sarajevo Rješenjem broj 06-03-1177-15/71/12 od 25.02.2013. godine izdao Dozvolu za rad-licencu za obavljanje elektroprivredne djelatnosti proizvodnje električne energije broj 06-03-1177/71/12 za proizvodni objekat solarna fotonaponska elektrana „Gornja Jošanica“. Period važenja navedene dozvole za rad – licence je do 24.02.2023. godine.

U navedenoj Dozvoli za rad-licenci u tački 4.1.2. propisano je da je imalac dozvole obavezan zajedno sa nadležnom elektrodistribucijom, odnosno Operatorom distributivnog sistema razraditi pogonska uputstva za svoju elektranu, dok je u tački 4.15.2. dozvole za rad propisano da je imalac dozvole obavezan dostaviti FERK-u izvještaje sa tehničko-energetskim i finansijskim podacima u skladu sa Pravilnikom o izvještavanju za imaoce licence za djelatnost snabdijevanja električnom energijom II reda i nezavisne proizvođače.

Osim navedenog, tačkom 9. predmetne dozvole propisano je da u okviru svojih nadležnosti FERK vrši nadgledanje ispunjenja uslova iz dozvole za rad, te da je u cilju ispunjenja uslova iz dozvole za rad imatelj dozvole obavezan dostavljati podatke u skladu sa tački 4.15. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u Federaciji Bosne i Hercegovine i Zakona o korištenju obnovljivih izvora energije i efikasne kogeneracije, da bi FERK-u omogućio izvršavanje njegovih nadležnosti u skladu sa zakonom, pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole za rad u roku od 10 dana od saznanja da je došlo do povreda. Ovlašteni zaposlenici FERK-a, u skladu sa ovom tačkom, imaju pravo obavljati redovno i vanredno nadgledanje u prostorijama imaoce dozvole i imaju pravo pristupa objektima, postrojenjima, opremi i dokumentima da bi izvršili uvid u obavljanje licencirane djelatnosti u skladu sa uslovima ove dozvole za rad, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 11. dozvole za rad propisano je to da ukoliko FERK zaključi da imalac dozvole nije ispoštovao ili krši uslove dozvole, poduzima sljedeće aktivnosti: a) opominje imaoce dozvole o evidentiranim nepravilnostima i određuje rokove za otklanjanje nedostataka, b) pokreće postupak izdavanja prekršajnog naloga u skladu sa kaznenim odredbama zakona c) pokreće postupak oduzimanja dozvole za rad.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 9. Dozvole za rad-licencu za proizvodnju električne energije broj 06-03-1177/71/12 od 25.02.2013. godine u proizvodnom objektu solarna fotonaponska elektrana „Gornja Jošanica“, dana 30.11.2015. godine Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine, izvršila je nadgledanje obavljanja djelatnosti proizvodnje električne energije. Tokom nadgledanja, navedenoj komisiji nisu dostavljeni na uvid certifikati proizvođača ugrađene opreme, link za pristup web boxu, Pogonsko uputstvo SE „Gornja Jošanica“ koje

je, prema uslovima dozvole, imalac dozvole bio u obavezi razraditi sa nadležnim operatorom distributivnog sistema i kopije Ugovora o otkupu električne energije potpisanog sa Operatorom za obnovljive izvore energije i efikasnu kogeneraciju.

O izvršenom nadgledanju, komisija je sačinila Izvještaj o obavljenom regulatornom nadgledanju, koji je dostavljen imaoocu dozvole na davanje komentara pod brojem 06-03-981-01/15 dana 05.01.2016. godine. Imalac dozvole nije dostavio komentare na Izvještaj komisije za nadgledanje FERK-a

FERK je na I redovnoj sjednici održanoj 29.01.2016. godine analizirao Izvještaj o obavljenom regulatornom nadgledanju, te utvrdio da je potrebno imaoocu dozvole naložiti poduzimanje mjera, navedenih u dispozitivu ovog rješenja, kako bi se otklonile sve učinjene povrede izdate dozvole za rad, i to bez odlaganja.

Na osnovu naprijed navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDsjednice FERK-a**  
**Sanela Pokrajčić**